


持心梵天所問經

卷三

百四十二
及九

48205



元祿九年丙子二月日重脩

皇國聖業固 帝階綴昌

佛日增輝 懋輪常轉

山城州天安寺法金剛院置



持心梵天所問經卷第三

西晉三藏法師

竺法護譯

及

論寂品第八

尔時持心梵天謂普行菩薩曰族姓子仁者以何行為行荅曰其所行者一切有為悉無所有而隨衆生所著行者又問一切衆生所有為著行者何謂為衆生行荅曰從諸如來之所行也又問計諸如來為何所行而以爲行荅曰一切永空而以爲行又問一切愚癡凡夫諸所行者又諸如來之所行者亦如是乎設如斯者何謂如來之境界耶荅曰仁欲使空有別異乎報曰不也荅曰云何世尊不

云諸法空乎報曰如是荅曰以是之故一切
諸法無有差別又此所行而無有相梵天當
知如來不處諸法為若干也

於是持心梵天問溥首曰所謂行者所行為
何荅曰行四梵行乃名為行又復梵天其四
梵行而為行者不為遊室所在造行常修四
梵具足諸行乃為遊室假使梵天行在閑居
若處曠野而常具足於四梵行此乃名曰行
遊于室設今復處講堂棚閣紫金床座敷具
重疊而不遵修於四梵行此則不曰遊于室
也用不曉了行之所致又問以何等行為慧
見行荅曰假使行者空不見身也又問其不

見我為覩慧乎荅曰如是梵天其不見我則
覩慧矣猶如梵天有聰明王若聖達帝其臣
吏者則有智慧而為帝王之所敬重如是如
是其不見我乃覩淨慧又問誰不見我荅曰
無吾我法斯等之儔則為具足所有身也如
是一類名曰見我又問如今所說吾觀其義
不見我者則為見佛所以者何吾我自然佛
亦自然溥首如來所見何等荅曰離吾我見
所以者何其不見我則為見法其見法者即
為見佛又問溥首無我因緣若成就者則致
平等荅曰梵天假使成就諸有形事寧可謂
之致平等乎又問云何溥首為何所獲得致

平等而成就耶。答曰：無所蠲除，亦不造證，其奉此者，獲致平等。又問：慧眼何覩乎？答曰：梵天，其慧眼者，不有所見，其慧眼者，不見有爲，及與無爲，所以者何？想念有爲，其無想念，則爲慧眼光曜，達者則已超度，所有眼跡，以是之故，爲無所見。又問：溥首因緣，吾我成就平等，比丘由是不獲果耶？答曰：梵天寧可使令無平等者，得果證乎？不爲等療，正使遵修，不得果證，離於想念，乃覩獲矣。設處憍慢，非平等療，若有憍慢，若不憍慢，不得約時。又問：溥首以何等法而爲約時？而云約時？答曰：其法不生，亦不令生，亦無當生，是則諸法之約時。

也吾說約時則謂此矣又問溥首如是生者
爲何約時荅曰如是約時其不生者是謂爲
生超度一切諸行所見斯則名曰爲平等也
又問其平等者爲何謂乎荅曰平等吾我及
與滅度而不爲二是則名爲平等也其平等
者無所倚據是謂平等所演平均是謂平等
利與不利義與不義是謂平等蠲除一切所
可思念是謂平等於時世尊讚溥首曰善哉
善哉快說斯言實如所云說是語時七十比
丘漏盡意解二万二千天子遠塵離垢得法
眼淨一万比丘離於愛欲二百天人發無上
正真道意五百菩薩得不起法忍

於是持心梵天白世尊曰溥首童真爲作佛
事溥首尋時荅梵天曰佛無所出何所爲法
若不作法有所處乎又問溥首世尊不爲化
無量人至滅度耶仁者不爲不可稱計衆生
之類造利義乎荅曰梵天無有人類反欲令
有乎報曰不也荅曰梵天卿反欲令人物之
品成就人乎報曰不也荅曰梵天卿復欲令
如來無礙若無所有令興發乎報曰不也荅
曰何所人類如來所濟令得滅度報曰溥首
其法不生向者所說如茲計之無有生死亦
無滅度亦無所獲荅曰如是梵天如來至真
不得生死亦不滅度又復梵天世尊所化解

脫聲聞計於彼等亦無生死亦無滅度則爲
滅度所謂梵天爲滅度者方俗言耳假託名
号所謂生死亦習俗言而無終始周旋者也
亦無滅度報曰溥首誰當肯信此言者乎荅
曰其於諸法無所著也又問溥首其有所倚
爲何著乎荅曰梵天其有所倚爲著虛妄假
使梵天彼誠諦者則無其慢於此亦不有所
樂也何況當復倚著空乎是故誠諦者則無
所著已無所著則無生死已無生死不離生
死已不離生死斯乃名曰爲滅度矣又問溥
首其滅度者爲何志求於滅度乎荅曰梵天
其滅度者名轉相因爲諸識行其慧之行諸

行憺怕不有所由則無所處其無所處斯乃名曰為滅度矣無處行者則曰永滅斯為道約時也無有生者是乃名曰為四諦矣

於是普行菩薩問溥首曰今所說者悉誠諦言也答曰族姓子一切所言皆為誠諦又問溥首其妄言者虛妄響像亦誠諦乎答曰實

為誠諦所以者何其所言者言無處所而無所立已得自在名曰誠諦斯一切言悉為誠諦其諸天人如來至真亦說言教計斯諸言亦無若干亦無有異所以者何一切所說皆如來辭一切如來亦無所行亦無進退其有言辭若復演教皆亦如是言教為教以是之

故一切所言平等文字已等文字則能一等
於文字矣以能等一切文字者則得自在便
能平等一切言辭普行平等又問溥首如來
至真豈不分別賢聖言辭無賢聖辭荅曰仁
者欲令諸賢聖衆爲文字教又欲復令無有
文字賢聖教乎報曰如是溥首荅曰其賢聖
文字無賢聖文字有想念乎報曰不也荅曰
是故文字無有想念假使棄捨一切想念斯
曰賢聖無有言辭其賢聖者不以文字有所
說也無有人想亦無法相猶如伎樂及與大
鼓節奏之鼓因緣有聲亦無想念聖賢亦然
現有所說而有言辭亦無所著又問溥首如

來言曰設聚會者當與二事若講論法若如聖賢而默寂然於彼溥首何謂論法何謂聖寂荅曰設不諍於佛不反經法不亂聖衆斯乃名曰為講法矣若思法者其志佛者離於色欲所謂法者無為無形所謂聖衆賢聖寂然也復次族姓子其四意止遵修精勤分別解者斯為論法心無所念於一切法斯則名曰賢聖寂然族姓子其有精勤分別解說於四意斷斯謂論法所謂於法於平等者不為平等亦不造取斯則名曰聖寂若有遵修講四神足斯為論法設復無身無言無心斯則名曰聖寂遵修解說五根五力則為論法

又若無聲不信於法則無聖賢擇取諸法專
精一意而自建立等成本淨脫於諸法而悉
信之一切所說而悉決了行于智慧是則名
曰賢聖解脫遵賢聖脫於七覺意則謂論法
等察於色欲不舉不下得此行者則名聖寂
遵修精勤解八聖道是則名曰爲論法矣已
見種姓之所生處譬如浮筏不著於法不著
非法斯則名曰聖寂族姓子知其有解了三
十七品法之所歸斯則名曰爲講論法假使
於此以法證身則不離身覩於法者則不離
法其有見者如無本見若不見二則不覩
二如其所見現在智慧之所見者則不有見

其不見者乃名聖寂又族姓子其分別說不
我同像不他同像不法同像斯則論法設不
得法則離於一切文字之教音聲言說棄除
憍慢興發懺怕其心寂然究竟於行斯則名
曰賢聖寂然又族姓子若他衆生及餘異人
各各覩見斯諸人根爲分別說假使定意若
心亂者斯諸賢聖爲寂然也有所建立而無
慣亂於是普行菩薩問溥首曰如今仁者有
所論說吾觀義歸一切聲聞及與緣覺無有
法說無賢聖寂所以者何不能曉了衆生根
本不究平等又復溥首誰當說彼有平等意
誰爲順法任賢聖寂耶當謂如來爲平等也

諸佛世尊乃能曉了衆生根本而當專定於
時世尊告溥首曰實如普行族姓子之所說
也諸佛世尊乃能了耳於是賢者須菩提白
世尊曰我親面從世尊啓受告諸比丘若聚
會坐當興二事一講論經典二遵賢聖寂設聲
聞衆不奉行者何因如來爲諸聲聞說斯法

言當分別說講論經典若不尔者賢聖寂然
世尊告曰於須菩提意云何諸聲聞衆以無
所聞能有講論聖賢寂然而爲行乎荅曰不
也天中天故須菩提當造斯觀一切聲聞及
與緣覺無有法說聖賢寂然

於是溥首謂賢者須菩提者舊豈知如來所

見衆生本根於此所造八万四千行分別說者寧諷誦乎者年於彼以何智慧而觀解脫
荅曰不及報曰卿便定意有三昧名觀衆生
心住此定者便能觀察見衆生心已心他心
而不罣礙荅曰不及溥首又曰唯須菩提如
來有二言八万四千行因其所行而分別說了
於醫藥三昧正受而不動搖普知一切衆生
之心是故須菩提當造斯觀此非聲聞緣覺地
之所能及唯須菩提有婬行人緣以空事而得
解脫如來悉知若不因空或復有人而懷怒
行覩見瑕疢因其瞋恚而得解脫不以慈心
如來悉知或復有人而懷癡行因以講說而

得解脫不以說法如來悉知或復有人懷等
分行不緣空行亦不以觀而得解脫不以慈
心亦不瞋恨而得度世不以勸讚不以說法
而得解脫又復如來因隨說法應其行根緣
厥形類而得解脫如來悉知是故須菩提當
遣斯觀如來禪定講說尊法名賢聖寂於時
須菩提謂溥首曰緣覺以是不任講法無賢
聖寂唯有菩薩具足斯法乃能講說及賢聖
寂荅曰如來明其所知靡不通達世尊告須
菩提有三昧名入一切意整其亂心菩薩以
此三昧正受定行普具衆德等備諸行
於是溥首問普行菩薩曰族姓子說八万四

千行八万四千諸品藏者是則名曰講說經
法曉一切想至滅寂定斯乃名曰賢聖寂然
又族姓子佛以一劫復過一劫分別波此所
說法義斯乃名曰賢聖寂然彼時世尊告普
行曰族姓子乃去往皆過無數劫不可計會
無有限量不可思議今時有佛名曰普光如
來至真興出于世劫曰名聞世界名愛見普
光如來愛見世界豐熟安隱米穀平賤無患
快樂天人繁熾其佛世界以一切寶合成爲
地以衆香樹而熏香柔軟細好譬如妙衣等
以衆寶蓮華莊嚴愛見世界有四百億四域
天下一一四域三百三十六万里一一城郭

廣縱四十万里皆以珍寶自然莊嚴一大城
有二十郡而爲部黨及諸縣邑一大城所
有國主典領無量百千居民又彼人民敢自
所覩但見好喜可意所敬一切衆民悉得念
佛三昧之定以故彼佛世界名愛見設諸菩
薩詣異佛國則不以樂於他世界若普光如
來說三乘教爲諸聲聞講說經法廣復加意
而解釋義則興二行宣暢說法聖憺怕行東
方世界有二菩薩止在醫王如來佛土一名
欲盡二名持意詣普光如來所稽首于地右
遶三帀叉手而住彼佛世界名清淨普說三
昧以一事故界名清淨假使菩薩逮得斯定

則捨一切衆想塵勞便得佛法光明何故世
界名曰清淨過去諸法皆悉清淨當來諸法亦
悉清淨現在諸法亦皆清淨此名二清淨所
以名清淨者謂真清淨真清淨者亦無所生
亦無清淨其清淨者本源清淨故名本清淨其
本清淨則一切清淨法何所法者而本清淨空
則本淨便皆遠離一切諸法悉爲虛妄無想
本淨又一切法則以蠲除諸所思想邪念之
事悉爲消滅其無願者則爲本淨一切諸法
爲不應行爲無所願堪任究竟以離自然能
爲本淨斯則名曰本淨明顯本淨光曜如生
死淨涅洹本淨亦復如是如涅洹淨一切諸

法本淨亦然斯則名曰爲本淨也。心之顯明猶族姓子。虛空無處無所志願。設姓能一療治塵勞心之本淨。無有處所無所志求。則能蠲去塵勞之欲。斯族姓子心本清淨。心爲顯明。猶如虛空雲霧烟塵不害虛空。亦無所壞。亦無所汚。虛空本淨。無能汙者。而無塵勞。是究竟說永無所汙。故曰虛空。假使思惟順如應者。凡夫愚戇言發塵勞心之本淨。無能汙處。以無能汙。是故名曰本末清淨。設不染汙。故曰本淨。是故解脫爲解脫也。斯族姓子清淨世界。而普等入彼時世。尊爲諸菩薩。而分別說聞斯三昧心。則趣法光明之曜。於時盡。

意菩薩白普光如來我身曾聞天中天又斯
普入當何方便而修行乎普光佛告盡意菩
薩諸賢至此爲族姓子當行二行何謂爲二
分別說法賢聖寂然憺怕之行又族姓子彼
之菩薩因從出尊聞愁首佛足右遶三匝即
時而退尋便至於別異遊觀於化棚閣因而
遵行時有梵天名白善光與七万二千諸天
梵俱往詣菩薩愁首足下適見此已即問菩
薩時族姓子輒有所說普光如來而聚會耶
諸比丘坐亦說經言當行二事分別說法賢
聖寂然而無所念彼族姓子何謂說法賢聖
寂然時彼菩薩謂善光梵天梵天且聽粗荅

所問如來目覩分別說耳度於無極是族姓
子于彼菩薩衆以此二句而爲衆會廣說其
義時七万二千梵天咸發無上正真之道得
不起法忍善光菩薩得普明三昧是族姓子
諸菩薩不可制止無礙辯才發興難問雖講
說法賢聖寂然而開演說於七万六千歲宣
布二句而發遣之不得一句之邊涯況復二
句於時如來住在虛空而發斯言止族姓子
勿得言說興於諍訟聞其譬喻諸所言說如
呼聲響所因得脫便而順從因響音亦入其辯
才者有所分別無盡之行不可究竟吾發意
頃於一劫中若復過劫答是問義歎彼賢辯

才不可究竟不得邊涯。卿賢者等不能窮盡
辯才之慧。又而復次寂靜。佛言寂然。懽怕無
有文字議宜之事。又不以利養如供養。利是
爲義。宜有所救濟。心念識之。從如來聞有所
解說。則時默然。故族姓子菩薩一念之頃。能
歎誦說百千劫數所演辯才行。此然後當造
斯念而有菩薩名曰巍巍。救護盡意在於人
間。而說此語。普行梵天及二菩薩所入之地。
省察往答。豈異人乎。勿造斯觀。所以者何。尔
時盡意菩薩者。今溥首是持意菩薩。今普行
是善光梵天。今持心梵天是也。
持心梵天所問經力行品第九

於是普行菩薩白佛大聖曰至未曾有天中之天諸如來尊道德高妙乃能如是獲大利義因從精進而常勤力其懈怠者雖百千佛無奈之何唯然世尊其為道者當專精勤溥首童真問普行曰仁族姓子豈能別知何所遵修名於菩薩為精勤乎荅曰假使菩薩尊者修行者而有時節無所思念不捨精勤又問何謂精勤而有時節亦無所念荅曰假使行者不想諸法則而時節為無所念又問何謂而時而無所念荅曰設於諸法悉能奉行覩見平等則為時節亦無所念又問豈可能令見等行乎荅曰不也設見平等者則便墮於

六十二見不爲平等持心梵天問溥首曰其
平等者不見諸法乃名平等溥首答曰何故
梵天而不見乎報曰除於二事故不有見無
所見者乃爲等見又問豈在梵宮爲等見
乎報曰何等爲見答曰其所見者如色無本
不造差別如有所見痛想行識而無有本等
不差別設使溥首覩於五陰而無本者則爲
示現於世間矣爲平等見也又問在於梵宮
行何所行答曰盡於諸相則爲是行是爲溥
首世俗所行又問設使諸相滅世心相者云
何盡於心相行乎答曰溥首世間之相不爲
盡世又問何謂分別爲諸相行爲世間行答

曰其觀盡者則無所盡其有盡者而不可盡
又問梵天如來至真豈不有云其盡法者謂
有爲事荅曰其盡法者未曾復盡如來說曰
其盡法者謂有爲事又問梵天何謂名曰爲
有爲事荅曰其盡法者名曰有爲又問梵天
有爲之事爲何所立荅曰住於無爲自然之
處則爲有爲又問有爲無爲斯諸法者有何
差別荅曰有爲無爲諸法之者以方俗事言
有差別方俗說斯是爲有爲此爲無爲其有
爲法及無爲法則無殊別法無有異又問梵
天所言法者爲何謂乎荅曰所云法者無有
差別是謂爲法又問何謂爲言荅曰有所屬

累有所講說是謂言說所以者何一切言說
平等相像如來分別為平等也有所說者不
為差別是故名曰為言說也又復溥首一切
所言為無所言斯則名曰無所逮得為佛所
言平等覺者不有所獲無所言行又問何謂
平等覺佛所念行荅曰不行於色不行諸相
不行於法又問難獲之相而為說法為念行
乎荅曰不也其有相者法則無本無有真實
而不差別此為如來之所念行其所行者如
無所行亦無有本亦無所說亦無所失又問
梵天云何如來成平等覺荅曰溥首如來曉
了一切諸法悉為本淨自然無本逮平等覺

以故因号平等正覺

持心梵天所問經志大乘品第十

於是普行菩薩白世尊曰何謂大聖名於菩

薩志于大乘當以何觀世尊以頌荅普行曰

若志求佛道 未曾壞於色

如色道亦然

斯為意慕道 色與道無異

行者亦如茲

所願無所壞 則道第一慧

無壞義道義

道者無利義 其修第一義

乃為志求道

於陰求佛道 眾種及諸入

曉是為等覺

與道無差別 如使不受法

無上下中間

亦無所棄捐 乃為志求道

若法若非法

不想此二事 以不獲兩緣

乃為志求道

有為則二事
乃為修道行
不得賢聖果
處俗如蓮華
於世所在遊
明哲則解脫

無怯而堅固
分別於法性
不釋離諸法
彼道無有相
無相不無相
善權度無極

無為則無二
而超度凡夫
世眾祐無著
遵修尊妙行
于彼而造行
不畏於生死

修行於佛道
於法與非法
專修于佛道
諸法無有相
明者不念斯
則令他眾生

棄捐分別事
任立於寂然
觀於世間法
乃為志求道
俗人所縛著
菩薩志性強

設使曉了善
一切無所想
未曾有墮落
譬之如虛空
於行勇方便
具足所志樂

常揔持正法
在典無衆念
常住於正法
如法及非法
遵修微妙道
則不受道教
則無有慧教
於法不著法
布施志於道
不著於佛道
諸法亦如是
曉了一切法

住立於平等
諸佛雖興出
斯能奉經典
所說亦如斯
而不了魔事
志願於佛道
所說無所獲
于彼無所倚
心樂于放捨
法不可得勝
不得心形像
彼修愍哀句

是則爲正法
則爲無所起
一切法現在
則住於無本
於諸法亦然
不以建行慢
諸佛慧無量
斯道度彼岸
降伏一切有
亦不可奉受
致究竟解脫
則無有諸見

彼等計吾我

則無有二事

不處於貢高

不慕諸所有

一切行布施

勸助於佛道

布施及道德

不處計有二

禁戒無所行

常立於正道

亦無有想念

言吾立禁戒

無為無所生

聖達了禁戒

以故戒清淨

鮮潔如虛空

身如鏡中像

言如呼聲響

了心若如幻

不以戒念慢

斯則遵師教

彼樂於寂然

滅除一切惡

懔怕度無極

所謂禁戒者

則無有二事

悉分別法性

此戒則無漏

忍厚度無極

堪忍一切惡

衆生亦復然

平等立衆想

不倚於虛空

諸法無所侮

彼無有罵詈

則亦無恭敬

設節節解身

心不懷怒悞

其心無所住

亦不處內外

自觀立四種

如能忍怨讎

終不為惡行

忍辱猶若地

現在逮致此

乃名曰忍辱

斯一切眾生

而不令瞋恚

勸助樂大乘

勢強無所畏

其心意所行

未曾有所著

因從始源際

生死不可知

則以一人故

誓被大力鎧

其法未曾生

豈能有壞乎

顛倒之處力

不了於本際

諸種立天眼

法性無思議

曉了如是者

不起無所盡

眾生不了斯

諸法與非法

常精勤此義

顛倒於放逸

諸佛不得人

究竟無所有

無行常被鎧

觀精進差特

選擇一切法
猶如觀虛空
以故說平等
遵修無所壞
道行為寂然
厥意畏生死
慧者娛樂禪
所住志平等
本淨等于法
於度常等定
不諍亂平等
道心一切普

如幻若野馬
思想於虛偽
得至于滅度
行所行離行
遵修于空義
勇猛樂閑居
神通度無極
威儀無想念
寂然無諸漏
斯均等懷來
是故曰平均
開化於衆生

彼獲無堅要
倚著無所益
以此精進義
精進最為上
勿信於虛偽
明無常如壙
如聚閑居然
在在意常定
信樂於解脫
恒立於平正
不為心見惑
是故曰平等

常念於諸佛

如來則法身

於色無所著

是故曰平等

意念行經典

若法與非法

其心靡不念

是故曰平等

心念於聖眾

謂眾則無為

離於數無數

明達於禪定

普見諸佛土

十方諸眾生

於眼無有色

不想行有二

或聞一切佛

所說諸經法

不以耳音聲

退轉為二想

一切眾生心

一心悉知之

無人亦無意

則無有眾想

識念億万妓

猶江河沙劫

亦無有前後

所知為若茲

遊達億千國

現神足無限

於時明哲者

身口心不亂

能分別經典

辯才而獨步

講說億千劫

法性無所失

猶譬言如虛空	吾等大乘者	僉了一切學	計一切諸道	佛慧無思議	以離窳冥衆	一切無所有	自覩見佛身	則無有諸見	其以塵勞故	爲人說經法	智慧度無極
未曾有貪婬	聽省濟群生	假使一切人	斯乘爲最尊	撫照於衆生	乃爲修道行	了智慧本淨	觀空悉能忍	如是曉衆事	則了諸清淨	曉了因緣便	方便了五陰
於衆生無悋	其建志大乘	靡能限此乘	如是於彼乘	勸此無上乘	斯乘爲大乘	於世網所念	覲終始滅度	諸法無形像	因緣得解脫	棄捐所分別	遵修無所戲

虛空無邊限

無色不可見

大乘亦如茲

無限無有漏

假使一切人

志學於此乘

受使亦如斯

是乘為殊特

設於百千劫

所遵行乘者

歎德不能盡

大乘之功祚

則棄捐無礙

歡達得自在

假使此尊經

有人執斯頌

終不墮惡趣

然後得自由

在天上人間

敬斯經亦然

吾當授其決

悉使得佛道

若聞此經者

最後不恐懼

斯等有正法

則立於雅典

便為轉法輪

住此經如是

一切思惟之

退轉于生死

則近等正覺

持是經如此

其執持斯經

測巨勇猛力

降伏眾魔兵

大進無極慧

猶如定光佛

授決得法忍

其敬此經者

吾亦當授決

諸佛無由生

救世護吼導

若講斯經者

則為造佛事

佛說此頌時分別音聲行之所趣十千天子則
發無上正真道意二千菩薩得不起法忍千比
丘漏盡意解三万二千人遠塵離垢諸法眼生
持心梵天所問經行道品第十一

尔時溥首白世尊曰今日吾省大聖所說分
別厥義其有志願求佛道者則為希慕於邪
見矣所以者何唯然世尊因獲邪見逮佛道
耳欲有所得故發志願則為方便至于邪見
所以者何夫中之天又計其道不住欲界不

住形界不住無形界道無所住以是之故不當
志願譬有男子而取段鐵燒者火中又欲願
火不當手觸所以者何燒人手故火不自燒
取者燒耳其有志願求佛道者則爲求火而
自燒耳唯然世尊道無志求以度二事而無
所趣喻如男子志願虛空吾欲遊步行於空
中其人不能行於虛空溥首又曰無能成立
於虛空者其達道意如虛空者道無所住則
度於二假使菩薩無有二想建立道意設有
菩薩興爲二想志求佛者若念佛道念于終
始設念道者則念邪見假使念道念滅度者
則非菩薩不爲行道於是持心梵天問溥首

曰菩薩何行應道行乎荅曰梵天若有菩薩
行一切法而於諸範悉無所行是為菩薩欽
崇道行超諸行法斯謂梵天為菩薩者遵尚
道行又問溥首何謂菩薩超諸行界奉修道
行荅曰離一切著及諸想行亦復釋置眼耳
鼻口身意如是行者則超行性又問設使超
度為何謂也荅曰平等於乘則為超度等一
切法乃為道耳持心又問道云何住行者方
便荅曰如彼道矣又問其道云何荅曰梵天
又其道者無去來今是故菩薩淨于三場住
於佛道設如過去若如當來復如現在意網
所起則無行念如是住者則無所住普住一

切若此住者則得達至於諸通慧又問何名
爲諸通慧荅曰悉達一切不以爲智是故名
曰爲諸通慧又問何謂爲慧荅曰所以謂慧
無差別故無其念故又如衆生所有亦如悉
無差特又問何謂衆生荅曰其名本淨衆生
擔怕以是之故其名本淨衆生如是等無差
別假使有念道有差別衆生不同則不順道
設道如此衆生亦然以是之故無有差別則
不得歸爲差別也又吾我等道亦平等道以
平等吾我亦等由斯之故無有殊別所以者
何衆生無我亦無有身以故無差如身無異
一切諸法亦復如是持心又問如來所說至

誠無虛所以分別斯諸法矣。荅曰：如來未曾分別說法所以者何？如來不得於諸法也。況當分別又問：如來豈不現法教乎？是則有爲是則無爲。斯爲世事。斯度世行。荅曰：所趣云何？孰爲於此分別身行爲言教乎？報曰：不也。溥首又問：所謂身者則便起身而滅盡乎？荅曰：不也。報曰：如是。梵天所可言曰：法言教者斯則爲興虛空言教。其無言教亦復如是。有諸法者所可言教。法無所起亦無所滅。無所言教爲法言教。設使無法亦無言教。斯則無言所以者何？如諸法教其無言教亦復如是。是故名曰無所言教。如來所住則無所住。無

所住者故曰無本

持心梵天所問經歎品第十二

於是四天王天帝釋梵忍積天來在衆會中
則以天華供養散佛致敬已訖而說斯言若
族姓子族姓女假使得聞溥首童真所說經
法歡喜信者則便降魔及外異學所以者何
則離一切諸見之想設今聞此深妙法說不
恐不怖亦不懷懼則爲諸佛之所建立法流
布處則爲如來遊其土地聞此法者則當察
彼爲轉法輪若於郡國丘聚縣邑州域大邦
遊步經行覩此經典所流布者終不爲魔之
所得便亦不迷惑亦無所倚於往古世悉造

行已若人耳聞斯經名者以比丘句不求滅
度不用魔事當受斯經唯然世尊斯經典者
若違法明吾等悉信不敢違失如來溥首梵
天之教設若覩見彼法師者吾等當觀如見
世尊當從其人聽受法典侍隨法師此族姓子
常爲諸天之所擁護假使有人得是經典書讀
誦持無央數千諸天子俱共行聽受會中所說
持心梵天所問經詠德品第十三
尔時世尊讚大衆會及釋梵曰善哉善哉如
尔所云假使三千大千世界滿中七寶持用
布施若一得聞此經法者斯之功德出彼福
上佛言置是三千大千世界滿中珍寶正使

江河沙等滿中七寶持用興福不如再聞是
經法者其功德本出於彼上族姓子族姓女
設能得聞此經典者若為利養若為榮色若
為財業若為眷屬為法之主生於天上若在
人間求望豐饒若為邪術異學之法若求音
聲博聞多識又志自在為堅固慧慕得善友
若求神通三達之智欲獲一切善法功德若
以覺意安立衆生令無苦患若求無為族姓
子族姓女當聞是經受持諷誦廣為人說吾
未曾見有受是經至心奉行而無獲者今佛
殷勤屬累尔等若有從人得聞是經從師和
上而聽受者佛不覩見一切世間及俗供養

有能奉敬報其恩者所以者何度世之法不
以供養而可畢了其度世法俗間之供不可
相比則於世間而無所著世俗之法不可淨
畢非榮華法非以世俗希僥供法而可畢了
一切報應而有反復斯經典者無有異事反
復之報如所去法度於馳騁而無所行斯則
爲行其有成就則爲恭敬於法師矣則爲淨
畢一切報恩若入郡國縣邑有所服習分衛
之具多所福度斯等之類奉如來教遵修如
命則得超度喻於衆冥則豎幢幡斯等勇猛
而能戰鬥多所降伏則爲師子離諸恐怖則
爲龍象自抑制心則爲神仙所言至誠則越

一切諸邪異學以爲良醫療一切病爲不畏
難說深妙法斯等布施倍一切塵則奉淨戒
寂然憺怕度於無極以離吾我及所有身爲
大精進至於無爲於無數劫患厭終始樂於
禪定具足一心爲大智慧而能分別一切章
句曉了示現諸慧之義則爲大德無數百千
福不可計相自在嚴慧不可極便爲覆蓋日
月之光爲大勢力於十種力惣持力要斯等
儔倫則爲大雲闡法雷音澍大法雨則能滅
除一切塵勞先獲第一無爲滅度則護生死
慰除恐懼則爲錠明照耀衆冥畏忌魔網則
爲救濟令得自歸則爲一切衆生之度則處

佛樹逮得法眼而以得覩諸法無本曉了空
法建立大哀住無極慈則得親近一切衆生
背卑劣乘向于大乘燒諸顛倒壞未平等越
度名字而舉德号則立道場降伏衆魔於諸
魔界而得自在則轉法輪詔諸賢者佛設一
劫復過一切咨嗟歎此正士之事不能究竟
得其邊際功祚巍巍嘉慶如是唯有如來辯
才具足能歌歎此奉持法者

持心元天所問經卷第三

及

棚閣

上步庚反音明

重疊

下音牒或作疊即毛布也

呂吏

下力置反

邊涯

下音宜

也遠也

範

法音犯

鎡

二音愛反

澍

注音錠

明

上音

窈冥

上於曉反

培

把音

深

